



Sarajevo, 11. decembar 2018. godine

- SAOPŠTENJE ZA MEDIJE -

Treba li BiH slijediti Srbiju u povećanju vojnog budžeta?

Projekcija budžeta Republike Srbije za 2019. godinu ukazuje da će troškovi odbrane biti povećani za skoro 20%, odnosno da će vojni budžet iznositi 796 miliona Eura. Istim su predviđena kapitalna ulaganja za kupovinu naoružanja i oprema, čime se rashodi na budžetskoj stavci kupovina mašina i opreme povećavaju za 150% u odnosu na prethodnu godinu, a predviđen je i umjereni rast plata vojnih uposlenika.

Ministarstvo odbrane BiH vjerovatno će i naredne godine morati da se zadovolji sa budžetskim izdvajanjima za ovaj resor u visini od 290 miliona KM jer su mali izgledi da se u periodu do usvajanja državnog budžeta otpočne sa aktivacijom MAP-a, odnosno realizacijom 'Plana razvoja i modernizacije Oružanih snaga BiH u periodu 2017-2027. godine.'

U pojedinim političkim krugovima u BiH konstantno se ističe vojna neutralnost susjedne Srbije i potreba da se u tom pogledu slijede istovjetni politički stavovi i opredjeljenja prilikom definisanja interesa BiH.

Postavlja se opravdano pitanje odgovornim političkim strukturama, zašto se po istom principu ne prate i stavovi srbijanskih vlasti da izdvoji 5 puta veći iznos sredstava za svoje vojne snage od BiH, već dozvoljava da se Oružanim snagama BiH i Ministarstvu odbrane BiH konstantno ugrožavaju i materijalni i ljudski resursi, odnosno postepeno podriava odbrambena moć BiH?

U trenutku kada su zvaničnici NATO-a još jednom pružili ruku BiH i omogućili njen nastavak puta ka integraciji u ovaj vojno politički savez kolektivne odbrane, neophodno je iskoristiti momentum i argumentovanim političkim dijalogom postići koncenzus u najboljem interesu građana BiH.

Dr.sci. Denis Hadžović
direktor